

Na osnovu člana 48., člana 31.stav (1) i člana 36. stav (2) Zakona o porezu na dohodak („Službene novine Federacije BiH“, br. 10/08 i 9/10), federalni ministar finansija - federalni ministar financija, d o n o s i

P R A V I L N I K

O IZMJENAMA I DOPUNAMA PRAVILNIKA O PRIMJENI ZAKONA O POREZU NA DOHODAK

Član 1.

U Pravilniku o primjeni Zakona o porezu na dohodak ("Službene novine Federacije BiH", broj 67/08 i 4/10), u članu 1. stav (2) iza riječi: "GIP-1022" dodaju se riječi: " Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak MIP-1023," iza riječi: "SPR-1053" slovo "i" zamjenjuje se zarezom, a na kraju teksta briše se tačka i dodaju riječi: " i Zahtjev za utvrđivanje mjesečnog paušalnog iznosa ZMP-1055."

Član 2.

U članu 4. iza stava (1) dodaje se novi stav (2) koji glasi:

" (2) U skladu sa tačkom 4) člana 5. Zakona, donacija koju pravno i/ili fizičko lice doznači na poseban, samo za tu priliku otvoren bankovni račun, u korist fizičkog lica kao novčanu pomoć u svrhu podmirenja troškova njegovog liječenja odnosno operativnog zahvata, nabavke lijekova i/ili nabavke ortopedskih pomagala, ukoliko ti troškovi nisu prije ili kasnije podmireni ili primaocu donacije nadoknađeni iz sredstava osnovnog, dopunskog ili privatnog zdravstvenog osiguranja, na taj način prikupljena sredstva za primaoca donacije ne smatraju se dohotkom koji podliježe obavezi plaćanja poreza na dohodak."

Dosadašnji stav (2) koji postaje stav (3) mijenja se i glasi:

" (3) U skladu sa tačkom 11) člana 5. Zakona, prihodi koje ostvari zaposlenik po osnovu naknada, pomoći i/ili nagrada koje mu isplati poslodavac na osnovu Općeg ili granskog kolektivnog ugovora i drugih posebnih propisa ne smatraju se oporezivim dohotkom zaposlenika do iznosa utvrđenih ovim Pravilnikom, a ako su isti isplaćeni iznad iznosa utvrđenih u ovom Pravilniku, više isplaćeni iznosi naknada i pomoći, u smislu člana 10. stav (2) Zakona, smatraju se oporezivim dohotkom od nesamostalne djelatnosti."

Iza stava (3) dodaje se novi stav (4) koji glasi:

"(4) U skladu sa odredbama iz stava (3) ovog člana, više isplaćeni iznosi naknada i pomoći preračunavaju se u bruto iznos primjenom koeficijenta koji se izračunava po formuli iz člana 17. ovog Pravilnika, a u cilju utvrđivanja osnovica za obračun doprinosa za obavezna osiguranja iz člana 4. Zakona o doprinosima."

Član 3.

Iza člana 26. dodaje se novi podnaslov 9.3(1)a. i novi član 26a. koji glase:

" 9.3.(1)a. Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak

Član 26a.

(1) U skladu sa članom 28. stav (2) Zakona, poslodavac odnosno lice koje ima obaveze poslodavca dužan je podatke o isplaćenim mjesečnim plaćama i drugim oporezivim prihodima od nesamostalne djelatnosti kao i podatke o obračunatim obaveznim doprinosima iz osnovice i na osnovicu i obračunatim i uplaćenim iznosima mjesečne akontacije poreza na dohodak od nesamostalne djelatnosti, dužno je dostavljati Poreznoj upravi na Obrascu MIP-1023 "Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak".

(2) Mjesečni izvještaj iz stava (1) ovog Pravilnika poslodavac je dužan dostavljati nadležnoj organizacionoj jedinici Porezne uprave prema sjedištu poslodavca odnosno isplatioca do 15. u mjesecu za protekli mjesec.

(3) Podatke iz stava (1) ovog člana poslodavac osigurava iz evidencija o isplaćenim plaćama i drugim oporezivim naknadama po osnovu radnog odnosa (Obrazac OLP -1021) koje je dužan voditi pojedinačno za svakog zaposlenika u skladu sa odredbama čl. 23. do 26. ovog Pravilnika.

(4) Poslodavci koji imaju više od 5 zaposlenika dužni su Poreznoj upravi podatke iz obrasca MIP -1023 dostavljati u elektronskoj formi na mediju ili putem Interneta.

(5) Obrazac MIP -1023 sadrži slijedeće podatke:

- 1) podatke o poslodavcu – isplatiocu plaća i drugih oporezivih prihoda od nesamostalne djelatnosti;
- 2) podatke o isplaćenim plaćama i drugim oporezivim naknadama, obračunatim, obustavljenim i uplaćenim doprinosima iz osnovice, faktoru i iznosu ličnog odbitka, poreznoj osnovici, obračunatom i uplaćenom iznosu

- mjesečne akontacije poreza na dohodak i to pojedinačno za svakog zaposlenika;
- 3) podatke o plaćenim doprinosima na teret poslodavca

Član 4.

U članu 27. st. (2) i (3), brišu se.

Dosadašnji st. (4), (5), (6), (7) i (8) postaju st. (2), (3), (4), (5) i (6).

U stavu (8), koji postaje stav (6), iza riječi: "Poreznoj upravi" dodaju se riječi: " i zbirnim podacima iz mjesečnih izvještaja (obrazac MIP-1023)", a preostali dio teksta, briše se.

Član 5.

U članu 30. stav (1), iza riječi: "godine" stavlja se zarez i dodaju riječi: "i to najkasnije do kraja februara tekuće godine,"

Član 6.

U članu 34. iza stava (5) dodaje se novi stav (6) koji glasi:

" (6) Kod utvrđivanja oporezivog dohotka od obrtničke djelatnosti i djelatnosti srodnih obrtničkim djelatnostima poslovni rashodi, shodno članu 7. stav (3) Zakona, utvrđuju se po principu blagajne, što znači da se kod utvrđivanja poslovnih rashoda za jedan porezni period mogu uzeti u obzir oni poslovni rashodi utvrđeni odredbama člana 15. st. (1), (2) i (3), koji su stvarno nastali i plaćeni u tom poreznom periodu."

Član 7.

U članu 49. stav (1) tačka 2. na kraju teksta iza zareza dodaju se riječi: "sami ili sa najviše dva zaposlenika, "

U stavu (2), iza riječi: " iznosa" dodaju se riječi: "(obrazac: ZMP-1055)"

Član 8.

U članu 63. stav (1), riječi: "28. februara" zamjenjuju se riječima: "31. marta".

U stavu (3), riječi: "31. januara" zamjenjuju se riječima: "kraja februara."

Član 9.

U članu 64. stav (1) tačka 1) na kraju teksta tačka se zamjenjuje zarezom i dodaju riječi: "pod uslovom da je poslodavac odnosno lice koje ima obaveze poslodavca za sve isplaćene plaće u proteklom poreznom periodu Poreznoj upravi dostavio mjesečne izvještaje (obrazac MIP -1023)."

Član 10.

U članu 65. u alineji 4. koja se odnosi na četvrti dio godišnje porezne prijave (novi Obrazac GPD -1051 koji je sastavni dio ovog Pravilnika), dodaje se novi tekst koji glasi:

" Porezni obveznik koji je pod rednim brojem 32. u koloni c. iskazao iznos sa oznakom (-) što znači da se radi o preplaćenom iznosu poreza za porezni period za koji se podnosi godišnja porezna prijava, pod rednim brojem 33. treba da stavi oznaku "x" u kućicu "a" - ako ne želi povrat preplaćenog iznosa već da se isti računa kao uplaćeni iznos na ime akontacije poreza za naredni porezni period, a u kućicu "b" - ako želi povrat preplaćenog iznosa. Ako porezni obveznik označi kućicu pod " b." potrebno je da u predviđeno polje reda 33. obrasca GPD -1051 upiše broj svog tekućeg računa i naziv banke kod koje je isti otvoren." .

Član 11.

Iza člana 70. dodaje se novi podnaslov 3.4. i novi član 70a. koji glase:

" 3. 4. Obračun i prijava mjesečnih iznosa akontacije za naredni porezni period

Član 70a.

(1) Porezni obveznici koji obavljaju samostalne djelatnosti iz člana 12. stav (2) tč, 1., 2. i 3. Zakona, a porez na dohodak utvrđuju i plaćaju na osnovu podataka iz poslovnih knjiga koje su propisane članom 19. Zakona, dužni su, u skladu sa članom 29. Zakona, po isteku poreznog perioda za naredni porezni period utvrditi i pod rednim brojem 29. obrasca SPR-1053 iskazati mjesečni iznos akontacije i isti uz godišnju poreznu prijavu (obrazac GPD-1051), a nosioci zajedničkih djelatnosti uz obrazac GPZ-1052, u propisanom roku dostaviti Poreznoj upravi.

(2) Porezni obveznici koji dohodak ostvaruju izdavanjem u zakup i podzakup nepokretne i pokretne imovine, dužni su, u skladu sa članom 32. stav (1) Zakona, po isteku poreznog perioda za naredni porezni period utvrditi i pod rednim brojem 21. obrasca PRIM – 1054 iskazati mjesečni iznos akontacije i isti uz godišnju

poreznu prijavu (obrazac GPD-1051) u propisanom roku dostaviti Poreznoj upravi. "

Član 12.

U članu 71. stav (2), iza tačke 8) dodaje se nova tačka 9) koja glasi:

" 9) isplate koje vrše pravna lica registrovana za preradu poljoprivrednih proizvoda, individualnim poljoprivrednim proizvođačima kod otkupa poljoprivrednih proizvoda (mlijeka, voća, povrća i sl.) radi daljnje prerade."

Član 13.

Izuzetno, za 2010. godinu, poslodavci odnosno isplatioci plaća i drugih oporezivih prihoda od nesamostalne djelatnosti, dužni su do kraja februara 2011. godine zaposlenicima i Poreznoj upravi dostaviti po jedan primjerak godišnjeg izvještaja o ukupnim isplaćenim plaćama i drugim ličnim primanjima (obrazac GIP-1022). Poslodavci koji su u 2010. godini imali više od pet (5) zaposlenika ovaj izvještaj su Poreznoj upravi dužni dostaviti elektronski, na mediju ili putem Interneta.

Član 14.

Obrasci GPD -1051, SPR -1053 i PRIM -1054, koji čine sastavni dio Pravilnika, zamjenjuju se novim obrascima sa istim oznakama koji se nalaze u prilogu ovog pravilnika i čine njegov sastavni dio.

Član 15.

Ovaj pravilnik stupa na snagu narednog dana od dana objavljivanja u "Službenim novinama Federacije BiH"., a primjenjivat će se od 01. januara 2011. godine.

Broj 05-02-8276/10
08. decembra 2010. godine
Sarajevo

MINISTAR
Vjekoslav Bevanda